

Perlawanan persahabatan **eratkan hubungan**

Labuan: Pasukan badminton Universiti Malaysia Sabah Kampus Antarabangsa Labuan (UMSKAL) mengadakan perlawanan persahabatan dengan Kolej Matrikulasi Labuan (KML), baru-baru ini.

Pada perlawanan itu, kedua-dua pasukan yang dibarisi kakitangan, pensyarah dan pelajar berjaya menunjukkan mutu permainan menarik.

Pengarah UMSKAL, Prof Madya Dr Ismail Ali, berkata penganjuran perlawanan itu bertujuan memantapkan persediaan anak buahnya menghadapi pelbagai pertandingan sama ada pada peringkat UMS mahupun institusi pengajian tinggi awam (IPTA).

Beliau yang mewakili Naib Canselor UMS, Prof Datuk Dr Mohd Harun Abdullah dalam program itu berkata, acara berkenaan juga dapat mengeratkan hubungan persahabatan antara kedua-dua pihak yang turut mempunyai jalinan kerjasama baik dalam bidang akademik, kokurikulum dan hal-ehwal pelajar.

Manfaat bersama-sama

"UMSKAL sebagai satu-satunya universiti cawangan tunggal di Wilayah Persekutuan Labuan sentiasa mengalu-alukan jalinan kerjasama dengan jabatan dan agensi kerajaan, sektor swasta serta badan bukan kerajaan (NGO) untuk manfaat bersama.

"Diharapkan melalui perlawanan



*Barisan pemain badminton UMSKAL dan KML yang menjayakan **perlawanan persahabatan baru-baru ini.***

sukan seperti ini, nama UMSKAL akan lebih dikenali oleh warga tempatan, termasuk pelajar KML

yang bakal melanjutkan pengajian mereka ke UMS," katanya.

Sementara itu pasukan KML

diketuai oleh Pengarahnya, Sawang @ Rizal Amit, dalam perlawanan berkenaan.